

摘藻堂四庫全書薈要

集部

欽定四庫全書薈要卷一萬八千一百九十七

集部

御定全唐詩卷七百九十二

聯句

張祜

妓席與杜牧之同詠

張祜 杜牧

骰子逡巡裏手拈無因得見玉纖纖

牧

但知報道金釵

落髮鬢還應露指尖

祜

杜牧

同趙二十二訪張明府郊居聯句

杜牧 趙嘏

陶潛官罷酒餅空門掩揚花一夜風牧古調詩吟山色

裏無弦琴在月明中嘏遠檐高樹宜幽鳥出岫孤雲逐

晚虹牧別後東籬數枝菊不知閑醉與誰同嘏

段成式

遊長安諸寺聯句 并序

武宗癸亥三年夏予與張君希復善繼同官祕書
鄭君符夢復連職仙局會假日遊大興善寺因問
兩京雜記及遊日記多所遺略乃約一旬尋兩街
寺以街東興善為首二記所不具則別錄之遊及
慈恩初知官將并寺僧衆草草乃泛問一二上人
及記塔下畫跡遊於此遂絕後三年予職於京洛
及刺安成至大中七年歸京在外六甲子所留書
籍掬壞居半於故簡中覩與二亡友遊寺瀝血淚

交當時造適樂事邈不可追復方刊整才足續穿
蠹然十七五六矣

靖恭坊大興善寺

寺取大興兩字坊名一字為名新記云優填像總章

初為火所燒據梁時西域優填在荊州言隋自臺城移來此寺非也今又有梅檀像開目其工頗拙尤差謬矣不空三藏塔前多老松歲旱則官伐其枝為龍骨以祈雨蓋三藏後龍意其木必有靈也東廊之南素和尚院庭有青桐四株素之手植元和中鄉相遊此院桐至夏有汗汗人衣如輶脂不可幹昭國東門鄭相嘗與丞郎數人避暑惡其汗謂素曰弟子為和尚伐此木各植一松也及暮素戲祝木曰我植汝二十餘年汝以汗為人

所惡來歲若復有汗我必薪汝自是無汗寶
歷末予見說已十五年無汗矣素公不出院
轉法華經三萬七千部夜常有貉子聽經齋
時鳥鵲就掌取食長慶初庭前牡丹一朶合
歡有僧玄幽題此院詩警句云三萬蓮經三
十春半生不蹋院門塵左顧蛤像舊傳云
隋帝嗜蛤所食必兼蛤味數逾千萬矣忽有
一蛤推擊如舊帝異之真諸几上一夜有光
及明肉自脫中有一佛二菩薩
像帝悲悔誓不食蛤非陳宣帝

老松青桐聯二十字絕句

段成式

張希復

鄭符

字夢復官
校書郎

有松堪繫馬遇鉢更投鍼記得湯師句高禪助朗吟
成式

乘晴入精舍語默想東林盡是忘機侶誰驚息影禽
一雨微塵盡支郎許數過方同躡蒼荀不用算多羅

符復希

蛤像聯二十字絕句

段成式 張希復

相好全如梵端倪祇為隋寧同蚌頑惡但與鷓相持
雖因雀變化不逐月虧盈縱有天中匠神工詎可成

成式復希

聖柱聯句

上有鐵索跡

段成式 張希復

天心惟助善聖跡此開陽

成式

載恐雷輪重絙疑電索長

復希上衝挾蟠竦不動束銀鐺成式飢鳥未曾啄乖龍寧敢

藏復希

長樂坊安國寺

紅樓睿宗在藩時舞榭東禪院亦曰木塔院院門西北廊

五壁吳道子弟子釋思道畫釋梵八部不施

彩色尚有典刑禪師法空影堂世號吉州

空者久養一騾將終鳴走而死有弟子允嵩

患風常於空室埋一柱鏢之僧難輒愈佛

殿開元初明皇拆寢室施之當陽彌勒法空

自光明寺移來建都時像在村蘭若中往往

放光因號光明寺寺在懷遠坊後為延火所

燒唯像獨存法空初移像時索大如虎口數

十牛曳之索斷不動法空執爐依法作禮九
拜泣涕發誓像身忽曝曝作聲身迸分為數
十段不終日移至寺焉利涉塑堂元和中
取其處聖容院遷像廡下上忽夢一僧形容
奇偉訴曰暴露數日豈聖君意耶及明駕幸
驗問如夢即令移就堂中側施帷帳光明寺
中鬼子母及文惠太子塑像舉止態度如生
工名李岫山庭院古木崇阜幽若山谷當時
輦土營之 上座璘公院有穗
柏一株衢柯覆下坐十餘人

紅樓聯句

隱侯體

段成式

張希復

重疊碎晴空餘霞更照紅蟬蹤近鷓鴣鳥道接相風
希復

苔靜金輪路雲輕白日宮

元和帝幸此宮

壁詩傳謝客

詞人陳至

題此院詩云藻井尚寒龍跡在紅樓初起日光通

門榜占休公

廣宣上人住此院有詩名時號

紅樓集

成式

穗柏聯句

段成式 張希復

一院暑難侵莓苔共影深標枝爭息鳥餘吹正開襟
成式
宿雨香添色殘陽石在陰乘閒動詩意助靜入禪心
希復

題璘公院

一言至七言每人占兩題

段成式 鄭符

靜虛熱際安居

符

龕燈斂印香除東林賓客西澗圖書

檐外垂青豆經中發白蕖縱辯宗因袞袞忘言理事如

如竟 成式

泉臺定將入流否鄰笛足疑清梵餘

成式新度

常樂坊趙景公寺

隋開皇三年置本曰弘善寺十八年改焉南中三門

裏東壁上吳道玄白畫地獄變筆力勁怒變
狀陰怪覩之不覺毛戴吳畫中得意處三階
院西廊下范長壽畫西方變及十六對觀寶
池尤妙絕諦視之覺水入浮壁院門上白畫
樹石頗似閻立德余攜立天祠粉本驗之無
異之西中三門裏門南吳生畫龍及刷天王

鬚筆蹟如鐵有執
爐天女竊眸欲語

吳畫聯句

段成式

張希復

鄭符

昇上人

慘澹十堵內吳生縱狂跡風雲將逼人神鬼如脫壁

成式

其中龍最怪張甲方汗栗黑雲夜窻窳馬知不霹靂

希復

此際忽仙子獵獵衣烏奕妙瞬乍疑生參差奪人魄

符

往往乘猛虎衝梁聳竒石蒼峭束高泉角膝驚欹側

成式

冥獄不可視毛戴腋流液苟能水成河剎那沈火宅

昇上

人

題約公院

段成式 張希復 鄭符 昇上人

印火熒熒燈續燄青希復七俱胝咒四阿含經成式各錄佳

語聊事素屏符丈室安居延賓不扃昇上人

大同坊雲華寺

大厯初僧儼講經天雨花至地只尺而滅夜有光燭室敕

改為雲華儼即康藏之師也康本住恭靖里
羶曲忽覩光如輪衆人皆見遂尋光至儼講
經所滅佛殿西廊立高僧一十六身天寶初
自南內移來畫跡拙俗觀音堂在寺西北隅

建中未百姓屈嚴患瘡且死夢一菩薩摩其
瘡曰我住雲華寺嚴驚覺汗流數日而愈因
詣寺尋檢至聖書堂見菩薩一如其觀
傾城百姓瞻禮嚴遂立社建堂移之

偶聯句

段成式 鄭符 張希復 昇上人

共入夕陽寺因窺甘露門昇上人清香惹苔蘚忍草雜蘭

蓀符捷偈飛鉗苔新詩倚杖論成式壞幡標古剎聖畫煥

崇垣希復豈慕穿籠鳥難防在牖猿成式一音唯一性三語

更三幡希復

道政坊寶應寺

韓幹藍田人少時常為酒家送酒王右丞兄弟未遇每貫

酒漫遊幹常微債於王家乃戲畫地為人馬右丞精思丹青竒其意趣乃歲與錢二萬令學畫十餘年今寺中釋梵天女悉齊公妓小等寫真也寺有韓幹畫下生彌勒衣紫袈裟右邊仰面菩薩及二師子尤入神又有舊鐵石及齊公喪一歲子漆之如羅睺羅每盆供日出之寺中彌勒殿齊公寢堂也東廊北面楊岫之畫鬼神齊公嫌其筆蹟不工故止堵一

僧房聯句

段成式

張希復

古畫思匡嶺上方疑傳巖蝶閒移忍草蟬曉揭高杉

成式

香字消芝印金經發藍函井通松底脈書坼洞中緘

希復

小小寫真聯句

段成式 鄭符 張希復

如生小小真猶自未棲塵

符

褕袂將離座斜柯欲近人

成式昔時知出衆情寵占橫陳

希復

不遣遊張巷豈教窺宋

鄰符庾樓吹笛裂弘閣賞歌新蟬怯織腰步蛾驚半額

嘖希復圖形誰有術買笑詎辭貧

成式

複隴迷村徑重泉隔

漢津

符

同心知作羽比目定為鱗

希復

殘月巫山夕餘霞

洛浦晨

成式

平康坊菩薩寺

佛殿東西障日及諸柱上圖畫是東廊舊蹟鄭法士畫開

元中因屋壞移入大佛殿內北壁食堂前東壁上吳道玄畫智度論色偈變偈是吳自題筆蹟遒勁如礫鬼神毛髮次堵畫禮骨仙人天衣飛揚滿壁風動佛殿內後壁吳道子畫消災經事樹石古嶮元和中上欲令移之慮其摧壞乃下詔擇畫手寫進佛殿內槽壁維摩變舍利弗角膝而轉元和末俗講僧文淑裝之筆蹟盡矣故興元鄭公尚書題此壁僧院詩曰但慮彩色汗無虞臂胛肥置寺碑陰雕飾奇巧相傳鄭法士所起樣也初會覺上

人以利施起宅十餘畝工畢釀酒百石列餅
甕於兩廊下引吳道玄觀之因謂曰檀越為
我畫以是賞之吳生嗜酒且利賞欣然而許
予以蹤跡似不及景公寺畫中三門內東門
神善繼云是吳生弟子王耐兒之手也

書事聯句

段成式 鄭符 張希復 昇上人

悉為無事者任被俗流憎符客異干時客僧非出院僧

成式遠聞疎牖磬曉辨密龕燈希復步觸珠旛響吟窺鉢水

澄符句饒方外趣遊愜社中朋成式靜裏已馴鴿齋中亦

好鷹

希復

金塗筆是聚彩溜紙非繒

昇上人

錫杖已剋鍛田

衣從壞膝

成式

占牀暫一脅卷箔賴長肱

希復

佛日初開照

魔天破幾層

成式

咒中陳祕計論處正先登

希復

勇帶綻鍼

石危防丘井藤

昇上人

光宅坊光宅寺

本官蒲萄園中禪師影堂師號惠中肅宗上元二年徵至

京師初居此寺詔云杖錫而來京師非遠齋心已久副朕虛懷

中禪師影堂聯句

段成式

張希復

鄭符

昇上人

名下固無虛教曹貌嚴毅洞達見空王圓融入佛地

希復

一言當要害忽忽醒諸醉不動須彌山多方辯無匱

符

坦率對萬乘偈答無所避爾如毘沙門外形如脫履

成式

但以理為量不語怪力事木石摧貢高慈悲引貧患

昇上

人當時乏支許何人契深致隨宜詎說三直下開不二

成式

翊善坊保壽寺

本高力士宅天寶九載舍為寺初鑄鐘成力士設齋慶之

舉朝畢至一擊百千有規其意連擊二十杵
經藏閣規創危巧二塔火珠受十餘斛河陽

從事李涿性好竒古與僧智增善嘗俱至此寺觀庫中舊物忽於破甌中得物如被幅裂汗至觸而塵起涿徐視之乃畫也因以州縣圖三及縑三十獲之令家人裝治之大十餘幅訪于常侍柳公權方知張萱所畫石橋圖也玄宗賜高力士因留寺中後為鬻畫人宗牧言於左軍尋有小使領軍卒數十人至宅宣敕取之即日進入先帝好古見之大悅命張於盧韶院寺見有先天菩薩幀本起成都妙積寺開元初有尼魏八師者常念大悲咒雙流縣民劉乙名意兒年十一自欲事魏尼遣之不去常於奧室立禪白魏云先天菩薩見身此地節灰於庭一夕有巨跡數尺輪理成就因謁畫工隨意設色悉不如意有僧揚法成自言能畫意兒常合掌瞻仰然後指授之以近十稔工方就後塑先天菩薩凡二百

四十二首首如塔勢分臂如意蔓其膀子有
一百四十日鳥樹一鳳四翅水肚樹所題深
怪不可詳悉畫樣凡十五卷柳七師者崔寧
之甥分三卷往上都流行時魏奉古為長史
進之後因四月八日賜高
力士今成都者是其次本

先天幘讚聯句

段成式 張希復 鄭符

觀音化身厥形孔怪脰腦淫厲衆魔膜拜希復指夢鴻紛

膀列區界其事明張何不可解成式閻阿德川大士先天

衆象參羅福源田符百億花發百千燈然膠如終澤

浩汗連緜

希復

燄摩界戚洛迦苦霽正念皈依衆青如篋

成式戾滓可汰癡膜可蛻稽首如空眸容若睇希復闡提墨

師覩而面之寸念不生未遇乎而成式

宣陽坊靜域寺

本太穆皇后宅僧寺云三階院門外是神堯皇帝射孔雀

處禪門內外遊目記云王昭隱畫門西裏面和修吉龍王有靈門外之西大目藥又及北

方天王甚竒猛門東裏面賢門也野叉部落鬼首上蟠蛇汗煙可懼東廊樹石嶮怪高僧

亦怪西廊萬菩薩院門裏南壁皇甫軫畫鬼神及鵬形勢若脫軫與吳道玄同時吳以其

藝逼已募人殺之萬菩薩堂內有寶塔以小金銅塔數百飾之大厯中將作劉監有子合

手出胎七歲念法華經及卒焚之得舍利數十粒分藏於金銅塔中善繼云合是劉銛佛殿東廊有古佛堂其地本雍村堂中像設悉是石作相傳云隋恭帝終此堂

三階院聯句

段成式 張希復 鄭符

密密助堂堂 隋人歌壓桑雙弧 摧孔雀一矢 隕貪狼

式成

百步望雲立 九規看月張 獲蛟徒破浪 中乙漫如牆

希復

還似貫金鼓 更疑穿石梁 因添挽河力 為滅射天狂

成式

絕藝却南牧 英聲來鬼方 麗龜何足敵 殪豕未為長

符

龍臂勝猿臂星芒超箭芒虛誇絕高鳥垂拱議明堂

成式

崇義坊招福院

本曰正覺國初毀以其地立第賜諸王睿宗在藩居之乾

封二年移長寧公主

佛堂於此重建此寺

贈諸上人聯句

段成式 張希復

翻了西天偈燒餘梵宇香撚眉愁俗客支頰背殘陽

成式

洲號惟思沃山名祇記匡辨中摧世智定裏破魔強

希復

許叡禪心徹湯休詩思長朗吟疎磬斷久語貫珠妨

成式

乘興書芭葉閑來入豆房漫題存古壁怪畫匝長廊

希復

招國坊崇濟寺

寺內有天后織成蛟龍披襖子及繡衣六事東廊從南第

二院有宣律師製袈裟堂

曼殊堂有松數株甚奇

奇松聯二十字絕句

段成式 張希復 鄭符 昇上人

杉松何相疎榆柳方迴屑無人擅談柄一枝不敢折

成式

中庭苔蘚深吹餘鳴佛禽至於摧折枝凡草猶避陰

希復

僻徑根從露闕房枝任侵一株風正好來助碧雲吟

符

時時埽窗聲重露滴寒砌風颭一枝適閒窺別生勢昇
人偃蓋入樓妨盤根侵井窄高僧獨惆悵為與澄嵐隔
式成

永安坊永壽寺

三門東吳道子畫似不得意
佛殿名會仙本是內中梳洗

殿貞元中有証智禪師往往靈驗或時在張
擯蘭中若治田及夜歸寺若在金山界相去
七百
里

閒中好

段成式 鄭符 張希復

閒中好盡日松為侶此趣人不知輕風度僧語

符閒中

好塵務不縈心坐對當窗木看移三面陰

成式

閒中好幽

磬度聲遲卷上論題肇畫中僧姓支

希復

崇仁坊資聖寺

淨土院門外相傳吳生一夕秉燭醉畫就中戟手視之惡

駭院門裏盧稜伽常學吳勢吳亦授以手訣
乃畫總持三門寺方半吳大賞之謂人曰稜
伽不得心訣用思太苦其能久乎畫畢而卒
中門窗間吳畫高僧韋述贊李嚴書中三門
外兩面上層不知何人畫人物頗類閻令寺
西廊北隅揚坦畫近塔天女明睇將瞬圍塔
院北堂有鐵觀音高三丈餘觀音院兩廊四
十二賢聖韓幹畫元中書贊東廊北頭散馬

不意見者如將嘶蹠聖僧中龍樹商那和修
絕妙團塔上菩薩李真畫四面花鳥邊鸞畫
藥師菩薩頂上莪葵尤佳
塔中藏千部妙法蓮華經

諸畫聯句

柏梁體

段成式

張希復

鄭符

吳生畫勇矛戟攢

成式

出變竒勢千萬端

希復

蒼蒼鬼怪層

壁寬

符

覩之忽忽毛髮寒

成式

稜伽之力所疲殫

成式

李真

周昉優劣難

符

活禽生卉推邊鸞

成式

花房嫩彩猶未乾

復韓幹變態如激湍

符

惜哉壁畫世未殫後人新畫何

汗漫
復希



御定全唐詩卷七百九十二



總校官庶吉士 臣 張能照

校對官庶吉士 臣 許兆椿

謄錄舉人 臣 羅步雲


欽定四庫全書會要

集部

御定全唐詩卷七百九十五

三五

詳校官原任主事長李斯咏



欽定四庫全書薈要卷一萬八千一百九十八

具部

御定全唐詩卷七百九十三

聯句

皮日休

北禪院避暑聯句

院昔為戴顓宅後
司勳陸郎中居之

皮日休 陸龜蒙

歎蒸何處避來入戴顓宅
逍遙脫單絃放曠拋輕策
爬搔林下風偃仰澗中石
日休殘蟬煙外響野鶴沙中跡到

此失煩襟蕭然揖禪伯藤懸疊霜蛻桂倚支雲錫龜蒙清

陰豎毛髮爽氣舒筋脈逐幽隨竹書選勝鋪苴席魚跳

上紫茱蝶化緣青壁日休心是玉蓮徒耳為金磬敵吾宗

昔高尚志在羲皇易豈獨斷韋編幾將刊鐵摘龜蒙天書

既屢降野抱難自適一入承明廬盱衡論今昔流光不

容寸斯道甘枉尺日休既起謝儒玄亦翻商羽翼封章帷

幄徧夢寐江湖白擺落函谷塵高歌華陽幘龜蒙詔去雲

無信歸來鶴相識半病奪牛公全慵捕魚客少微光一

點落此芒磔索

日休

釋子問池塘門人廢幽蹟堪悲東序

寶忽變西方籍不見步兵詩空懷康樂屐

龜蒙

高名不可

效勝境徒堪惜墨沼轉疎蕪玄齋踰闕寂遲遲不可去

涼颼滿杉柏

日休

日下洲島清煙生苾芻碧俱懷出塵想

共有吟詩癖終與淨名遊還來雪山覓

龜蒙

寂上人院聯句

皮日休 陸龜蒙

瘦牀空默坐清景不知斜暗數菩提子閒看薜荔花

日休

有情惟墨客無語是禪家背日聊依桂嘗泉欲試茶

龜蒙

石形蹲玉虎池影閃金蛇經笥安巖叵餅囊掛樹榼

日休

書傳滄海外龕寄白雲涯竹色寒凌箔燈光靜隔紗

龜蒙

趁幽翻小品逐勝講南華莎彩融黃露蓮衣染素霞

日休

水堪傷聚沫風合落天葩若許傳心印何辭古堞賒

龜蒙

獨在開元寺避暑頗懷魯望因飛筆聯句

皮日休 陸龜蒙

煩暑雖難避僧家自有期泉甘於馬乳苔滑似龍齏

日休

任誕襟全散，臨幽榻旋移。松行將雅拜，篁陣欲交麾。

龜蒙

望塔青髻識，登樓白鷓知。石經森欲動，珠像儼將怡。筠

簟臨杉穗，紗巾透雨絲。靜譚蟬噪少，涼步鶴隨遲。

日煙休

重迴蕉扇風，輕拂桂帷帷。對碑吳地說，開卷梵天詞。積水

魚梁壞，殘花病枕歌。懷君瀟灑處，孤夢繞罍罍。

龜蒙

寒夜文宴聯句

皮日休 張賁 陸龜蒙

文星今夜聚，應在斗牛間。
日休載石人方至，乘槎客未還。

賁送觴繁露曲微句白雲顏龜蒙節奏惟聽竹從容只話

山日休理窮傾祕藏論猛折玄關賁鄴酒分中綠巴箋擘

處殷龜蒙清言聞後醒強韻壓來艱日休犀柄當風揖瓊枝

向月攀賁松吟方噤噤泉夢憶潺潺龜蒙一會文章草昭

明不可刪日休

藥名聯句

皮日休 張賁 陸龜蒙

為待防風餅須添薏苡杯賁香然柏子後尊泛菊花來

日休石耳泉能洗垣衣雨為裁龜蒙從容屏局靜續斷玉琴

哀賁白芷寒猶采青箱醉尚開日休馬銜衰草臥烏啄蠹

根迴龜蒙雨過蘭芳好霜多桂末摧賁朱兒應作粉雲母

詎成灰日休藝可屠龍膽家曾近燕胎龜蒙牆高牽薜荔障

輒撼玫瑰賁鷓鴣啼書戶蝸牛上研臺日休誰能將藁本

封與玉泉才龜蒙

陸龜蒙

寒夜聯句

陸龜蒙 皮日休

靜境捐神凝寒華射林缺

龜蒙

清知思緒斷爽覺心源徹

日休高唱戛金奏朗詠鏗玉節

龜蒙

我思方沈寥君詞復淒

日休切沉聞風篁上擺落殘凍雪

龜蒙

寂爾萬籟清皎然諸

靄滅

日休

西窗客無夢南浦波應結

龜蒙

河光正如劒月魄

方似玦

日休

短燼不禁挑冷毫看欲折

龜蒙

何夕重相期濁

醪還為設

日休

開元寺樓看雨聯句

陸龜蒙 皮日休

海上風雨來掀轟雜飛電登樓一凭檻滿眼蛟龍戰

蒙龜

須臾造化慘倏忽堪輿變萬戶響戈鋌千家披組練

休日

羣飛拋輪石雜下攻城箭點急似摧冑行斜如中面

蒙龜

細灑魂空冷橫飄目能眩垂檐珂珮喧掬瓦珠璣濺

休日

無言九陔遠瞬息馳應徧密處正垂絙微時又懸綫

蒙龜

寫作玉界破吹為羽林旋翻傷列缺勞却怕豐隆倦

休日

遙瞻山露色漸覺雲成片遠樹欲鳴蟬深檐尚藏燕

蒙龜

殘雷隱轡盡反照依微見天光潔似磨湖彩熟於練

休日

疎帆逗前渚晚磬分涼殿接思強揮毫窺詞幾焚研

龜蒙

佶栗烏皮几輕明白羽扇畢景好疎吟餘涼可清宴

休日

君攜下高磴僧引還深院駁蘚淨鋪筵低松濕垂鬚

龜蒙

齋明乍虛豁林霽逾蔥蒨早晚重登臨欲去多離戀

休日

報恩寺南池聯句

第四句缺一字
第八句缺三字

陸龜蒙

嵩起

失姓

皮日休

古岸涵碧落

龜蒙

虛軒明素波坐來魚陣變

休日

吟久菊

多秋草分杉露

起嵩

危橋下竹坡遠峰青髻竝

起蒙

顏和趙論寒仍講

休日

支硎僻亦過齋心曾養鶴

起嵩

揮翰

好邀鵝

南峰院即故相國裴公書額

倚石收竒藥

起蒙

臨溪藉淺莎桂

花晴似拭

休日

荷鏡曉如磨翠出牛頭聳

起嵩

苔深馬跡跛

石上有支

繖歌從野醉

起蒙

巾側任田歌跣跣松形矮

般跚檜樾矧香飛僧印火

起嵩

泉急使鑣珂菱鈿真堪帖

蒙龜尊絲亦好拖幾時無一事

休日

相伴著煙蘿

起嵩

安守範

蜀彭州刺史安思謙之子

天台禪院聯句

安守範

楊鼎夫

定遠推官

周述

懷遠軍巡官

李

仁肇

眉州判官

偶到天台院因逢物外僧

守範

忘機同一祖出語離三乘

鼎夫

樹老中庭寂窗虛外境澄

述

片時松影下聯續百千

燈

仁肇

御定全唐詩卷七百九十三

欽定四庫全書薈要卷一萬八千一百九十九

其奇

御定全唐詩卷七百九十四

聯句

清晝

講德聯句

清晝

潘述

湯衡

官評事

先王設位以正邦國建立大官封植有德

述

二南敷化

四岳述職其言不朽其儀不忒

衡

暨於嬴劉乃創程式

罷侯置守剖竹分域畫赫矣皇唐康哉立極精選藩翰

庸資正直述爰命我公東土作則克己恭儉疲人休息

衡濟濟閭閻油油黍稷既富既教足兵足食畫恤其凋

瘵剪其荆棘威懷逋叛撲滅蝥賊述疾惡如讐聞善不

惑哀矜鰥寡旌禮儒墨衡乃修隄防乃濬溝洫以利通

商以溉嘉穀畫徵賦以節計功以時人胥懷惠吏不能

欺述我政載孚我邦載綏猛獸不暴嘉魚維滋衡肅恭

明神齊沐不虧歲或驕陽雨無憊期畫帝嘉有庸寵命

來斯紫紱載綏金章陸離述資忠履孝閱禮敦詩明德

惟馨自天祐之衡

講古文聯句

清書

潘述

裴濟

字方舟曾為從事

湯衡

帝出於震文明始敷

述

山岳降氣龜龍負圖

濟

爰有書

契乃立典謨

書

先知孔聖飛步天衢

衡

漢承秦弊尊儒

尚學

述

百氏六經九流七畧

濟

屈宋接武班馬繼作

書

或頌燕然或贊麟閣

衡

降及二祖始變二雅

述

仲宣閑

和公幹蕭灑畫士衡安仁不史不野畫左張精奧嵇阮

高寡衡暨于江表其文鬱興衡綺麗爭發繁蕪則懲述

詞煜春華思清冬冰述景純跌宕遊仙獨步衡青雲其

情白璧其句衡靈運山水實多竒趣述遠派孤峰龍騰

鳳翥述陶令田園匠意真直畫春柳寒松不凋不飾畫

江淹雜體方見才力衡擬之信工似而不逼衡鮑昭從

軍主意危苦述氣勝其詞雅愧於古述隱侯似病創制

規矩畫時見琳琅惜哉榛楛畫謝眺秀發詞理翩翩衡

孤標爽邁深造精研

衡

惠休翰林別白離堅

述

有會必

愜無慚曩賢

述

吳均頗勁失於典裁

書

竟乏波瀾徒工

邊塞

書

彼柳吳興高視時輩

衡

汀洲一篇風流寡對

衡

何遜清切所得必新

述

緣情既密象物又真

述

江總徵

正未越常倫

書

時合風興或無淄磷

書

二杜繁俗三劉

瑣碎

衡

陳徐之流陰張之輩

衡

伊數公者閩域之外

述

吁此以還有固斯節

述

項王古祠聯句

清書 潘述 湯衡

遺廟風塵積荒途述英靈今寂寞容衛尚森沈

書

霸楚志何在平秦功亦深衡諸侯歸復背青史古將

今述星聚分已定天亡力豈任書采繫如可薦舉酒瀝

空林衡

還丹可成詩聯句

清書 潘述 湯衡

羽化自仙骨延年資養生書金經啓靈秘玉液流至精

述 八石思共鍊九丹知可成衡 吾心苟無妄神理期合

并書 封竈用六一置門考休京述 浮光含日彩圓質煥

雲英衡 持此保壽命服之頤性情書 跂予望仙侶高詠

昇天行述 鶴駕方可致霓裳定將迎衡 不因五色藥安

著七真名書 揮妙在微密全功知感誠述 與君棄城市

攜手遊蓬瀛衡

建安寺西院喜王郎中邁恩命初至聯句時郎
中正

入西方

道場

清書

王邁

祠部郎中

齊翔

前吏部郎中兼括州刺史

李

縱

駕部員外

崔子向

官御史

跡就空門退官從畫省遷住持良有願朝謁冗無緣邁

身淨金繩內心馳玉宸前書榮添一兩日恩降九霄年

翔慕法能輕冕追非欲佩弦縱棲閒那可久鴛鴦待行

聯子向

建安寺夜會對雨懷皇甫侍御曾聯句

清書 李縱 鄭說 王邁 崔子向

相思非是遠風雨遣情多畫願欲披雲見難堪候曉過

縱

夜長同歲月地近極山河說戒相初傳授文章舊切

磋邁時稱洛下詠人許郢中歌子惆悵徒延首其如一

水何翔

泛長城東溪暝宿崇光寺寄處士陸羽聯句

清畫 崔子向

箬水青似箬玉山碧於玉子逼霄沓萬狀截地分千曲

畫

萍解深可窺林谿遙在矚子已高物外賞稍滌區中

欲畫野鶴翔又飛世人羈且跼

子

沈吟跡所悞放浪心

自足

畫

緬懷虛舟客願寄生芻束

子

說詩整頰波立義

激浮俗

畫

荆吳備登歷風土隨編錄

子

恨與清景別擬

教長路促

畫

溪鳥語鸝嘯寺花翻躑躅

子

印圍水壇淨

香護蓮衣觸

畫

捧經啓紗燈收衽禮金粟

子

安得扣關

子玄言對吾屬

畫

與崔子向泛舟自招橘經箬里宿天居寺憶李

侍御萼渚山春遊後期不及聯一十六韻以寄

之

清畫 崔子向

晴日春態深寄遊恣所適畫寧妨花木亂轉學心耳寂

子向取性憐鶴高謀閒任山僻畫倚舷息空曲捨屨行淺

磧子向渚箬入里逢野梅到村摘畫碑殘飛雉嶺井翳潛

龍宅即陳帝宅子向壞寺隣壽陵古壇留劫石畫穿階筍節露

拂瓦松梢碧子向天界細雲還墻陰雜英積畫懸燈寄前

焰遙月昇圓魄子向何意清夜期坐為高峰隔畫茗園可

交袂藤澗好停錫

向子

微雨聽濕中迸流從點席

畫

戲猿

隔枝透驚鹿逢人躑

向子

覩物賞已竒感時思彌極

畫

芳

非如馳箭望望共君惜

向子

渚山春暮會顧丞茗舍聯句效小庾體

清畫 陸士修 崔子向

誰是惜暮人相攜送春日因君過茗舍留客開蘭室

士修

濕苔滑行屐柔草低藉瑟鵲喜語成雙花狂落非一

子

煙濃山焙動泉破水春疾莫拘挂瓢枝會移閣書帙

畫

頗容樵與隱，豈聞禪兼律。
欄竹不求疎，網藤從更密。
士
池添逸少墨，園雜莊生漆。
景晏枕猶歌，酒醒頭懶擲。
子
雲教淡機，慮地可遺名。
實應待御筭，青幽期踏芳出。
畫

與李司直令從荻塘聯句

清畫 李令從直

畫舸悠悠荻塘路，真僧與我相隨去。
寒花似菊不知名，
霜葉如楓是何樹。
從令倦客經秋夜，共歸情多語盡明。
相
顧遙城候騎來，仍少傍嶺哀猿發。
無數
畫
心閒清淨得

禪寂興逸縱橫問章句蟲聲切切草間悲螢影紛紛月

前度

從令

撻亂雲峰好賦詩嬋娟水月堪為喻與君出處

本不同從此還依舊山住

畫

遠意聯句

清晝

疾

失姓

澄

失姓

嚴伯均

巨川

失姓

家在炎州往朔方

疾

豈知于闐望瀟湘

澄

曾經隴底復

遼陽

巨川

更憶東去採扶桑

畫

楂客三千路未央

均

燭龍

之地日無光

疾

將遊莽蒼窮大荒

畫

車轍馬足逐周王

均

暗思聯句

清晝

疾

巨川

嚴伯均

從心

失姓

斜風飄雨三十夜

疾

隣女餘光不相借

巨川

跡滅塵生古

人晝

晝

洞房重扉無隙罅

均

燭滅更深月西謝

從心

樂意聯句一首

清晝

均

疾

澄

巨川

良朋益友自遠來

均

萬里鄉書對酒開

晝

子孫蔓衍負

奇才疾承顏弄鳥詠南陔澄鼓腹擊壤歌康哉巨川

恨意聯句

清晝疾均澄從心杭失姓

同心同縣不相見疾獨采薜蘿詠團扇均莫聽東隣擣

霜練晝遠憶征人淚如霰澄長信空階荒草遍從心明妃

初別昭陽殿杭

秋日盧郎中使君幼平泛舟聯句一首

清晝盧藻盧幼平郎中吳興守陸羽潘

述 李恂 鄭述誠

共載清秋客船同瞻皂蓋朝天

藻

悔使比來相得如今

欲別潛然

幼平

漸驚徒馭分散愁望雲山接連

書

魏闕馳

心心日日吳城揮手年年

羽

送遠已傷飛雁裁詩更切嘶

蟬述

空懷鄴杜心醉永望門欄脰捐

恂

別思無窮無限

還如秋水秋煙

述誠

重聯句一首

清晝

盧幼平

陸羽

潘述

盧藻

惇

失姓

相將惜別且遲遲未到新豐欲醉時

平幼

去郡獨攜程氏

酒入朝可忘習家池

羽

仍憐故吏依依戀自有清光處

處隨

述

晚景南徐何處宿秋風北固不堪辭

書

吳中詩

酒饒佳興秦地關山引夢思

藻

對酒已傷嘶馬去銜恩

只待掃門期

惇

與潘述集湯衡宅懷李司直縱聯句

清晝

湯衡

潘述

幽獨何以慰友人顧茅茨衡已忘歲月念載說清閒時

述旭日舒朱槿柔風引綠苑畫迢迢青溪路耿耿芳樹

枝衡執袵空躑躅來城自逶迤述相思寄採掇景晏獨

驅馳畫

安吉崔明甫山院聯句一首

清畫

崔達

安吉令

人不擾政已和世慮寡山情多畫禪客至墨卿過興既

洽情如何達

重聯句一首

清晝 崔逵

肅肅清院脩脩碧鮮已見心遠何關地偏晝自公退食
升堂草玄紛紛已隔雲心澹然逵

重聯句一首

瀑溜聞窗外晴風逼座間挂冠徒有意芳桂杳難攀逵

重聯句一首

清晝 崔逵

清高素非宦侶疎散從來道流今日還輕墨綬知君意
在滄洲畫浮雲任從飄蕩寄隱也信沈浮不似漳南地
僻道安為我淹留達

重聯句一首

清書 崔達

劉令興多常步履柴桑事少但援琴閒招法侶從山寺
每掇幽芳傍竹林畫卷簾只愛荆峰色入座偏宜郢客
吟誰許近來輕印綬因君昨日悟禪心達

道觀中和潘丞觀青溪圖聯句

清畫 崔萬 潘述

畫得青溪樣宜於紫府觀畫日明烟靄薄風落水容寬

萬畫野高低接商工井邑攢述疏川因稼穡出使問艱

難畫

春日對雨聯句一首

清畫 韓章武康令

春煙帶微雨漠漠連城邑桐葉生微陰桃花更宜濕章

蕭條暗楊柳散漫下原隰歸路不我從遙心空佇立

畫

林低山影近岸轉水流急芳草自堪遊白雲如可揖

章

尋山禪客意苦雨陶公什遊行情未終歸飛暮相及

畫

峰高日色轉潭淨天光入却欲學神仙空思謝朋執

章

為道貴逍遙趨時多苦集瓊英若可飡青紫徒勞拾

畫

春日會韓武康章後亭聯句

清畫 韓章 楊秦卿 仲文

失姓

後園堪竒賞日日對春風客位繁陰下公牆細柳中

畫

坐看青嶂遠心與白雲同

章

林暗花煙入池深遠水通

秦

卿井桃新長藥欄藥未成叢

仲文

松竹宜禪客山泉入謝

公畫

砌香翻芍藥簷靜倚梧桐

章

外慮宜簾卷忘情與

道空

秦

卿楚僧招惠遠蜀客挹揚雄

仲文

便寄柴桑隱何勞

訪剡東

畫

康錄事宅送僧聯句

清畫

崔子向

蓮衣宜著雨竹錫好隨雲

畫

見鶴還應養逢鷗自作羣

向子

與邢端公李台題庭石聯句

共題詩句遍爭坐蘇文稀

畫 餘缺

冬日建安寺西院喜畫公自吳興至聯句一首

以下四首附
見清畫集

王邁 李縱 鄭說 崔子向 齊翔

宗系傳康樂精修學遠公

邁

相尋當暮歲行李犯寒風

縱

累積浮生裏機慙半偈中

說

傳家知業墜繼祖忝聲

同畫雲與輕帆至山將本寺空子向來忘起滅留我宿

花宮翔

秋日潘述自長城至雲上與畫公湯評事遊集

累日時司直李公瑕往蘇州有阻良會因與二

公聯句以寄之第十句
缺一字

潘述 清畫 湯衡

離念非前期秋風忽已至述芸黃衆芳晚搖蕩居人思

畫 白霜淒以積高梧颯而墜衡悠然越山川復此恨離

異述時景易遷謝懽難兼遂畫惜分緩迴舟懷遙企

歸馬

四衡

休澣情自高來思日云未

述

喜畫公尋山迴相遇聯句一首

潘述清畫

幾年無此會今日喜相從述後夏仍多病前書達幾封

畫水華迎暮雨松吹引疎鐘畫出谷隨初月尋僧說五

峰述

送畫公聯句

韓章 清畫 顧況

相逢情不厭惜別意難為章吾道應無住前期未可知

畫

輕霜凋古木寒水縮荒陂章賓雁依沙嶼浮雲慘路

岐畫林疎看野迴岸轉覺山移章寄賞驚搖落歸心歎

別離畫草堂思偃蹇塵尾去相隨況勿謂光陰遠禪房

會一窺

鄭遨

與羅隱之聯句

鄭遨 羅隱之

一壺天上有名物
兩個世間無事人
遨醉却隱之雲叟
外不知何處是天真
隱之

御定全唐詩卷七百九十四

欽定四庫全書蒼要卷一萬八千二百

集部

御定全唐詩卷七百九十五

句

李日

知滎陽人歷相
中宗睿宗

所願暫知居者樂無使時稱主者勞

中宗幸安樂公主
第從官賦詩日知

卒章獨存規
誠識者多之

趙仁獎

河南人景龍中為御史
睿宗朝左授上蔡丞

令乘驄馬去丞脫繡衣來

贈上蔡令潘好禮拜
御史見朝野僉載

郭廷謂

魂逐東流水墳依獨坐山

哭陳子昂

韋青

官將軍

三代掌綸誥一身能唱歌

見樂府雜錄

尉遲匡

幽并人開元進士

明月飛出海黃河流上天

暮行潼關

芙蓉初出水桃李忽

無言

觀內人樓上踏歌

夜夜月為青塚鏡年年雪作黑山花

塞上曲

何涓

鴈影數行秋半逢漁歌一聲夜深發

杜偉

忽覩邢武辭冷其金石備

宣城總集云唐開元甲子武平一同河間邢巨同游涇川

琴谿題絕句古刻尚存後一紀杜偉自杜史謫掾宣城陪連帥班景倩來觀題句云云餘逸

申堂構

丹徒人嘗為武進尉

霜添柏樹冷氣拂桂林寒

周愿

竟陵刺史

八十年前棠樹陰竟陵太守公先人

愿與竟陵陸羽嘗佐嶺南連帥李復

幕府後愿刺竟陵則復已捐館而羽亦前謝復父齋物
先亦為竟陵守愿因為七言詩陳事見方輿勝覽

第五琦

字禹珪長安人肅宗朝為鹽鐵鑄錢使拜相坐事長流終太子賓客

陰天聞斷雁夜浦送歸人

送丘郎中

顏允南

歷官司封郎中國子司業

誰言百人會兄弟也霑陪

侍宴見顏真卿集

李廣琛

瓜州刺史歷肅代朝終散騎常侍

刻舟尋已化彈鋏未酬恩

河西騎將宋青春有劍是青龍精刃所及若叩銅鐵青春

死為廣琛所得或風雨後迸光入室環燭方丈哥舒
翰求易以他寶廣琛不與因贈詩見酉陽雜俎

陳蛻肅代
間人

夢裏換春秋咏華
清宮

衛準準一作單大
歷五年進士

莫言閒話是閒話
往往事從閒話來
何必剃頭為弟

子無家便是出家人並見張為
主客圖

杜鴻漸字之吳濮陽人累官朔方度支副使
以迎立肅宗封衛國公代宗朝拜相

常願追禪理安能挹化源鴻漸酷好浮屠道晚年樂退
靜常悠然賦句朝士多屬和

之本傳見

李摯

貞元十二年
宏詞科登第

因緣三紀異契分四般同

摯與李行敏同姓同甲子同年登第俱二十五歲又同門

故云
見紀事

韋綬

德宗朝翰林學士

在室愧屋漏

綬子溫疾革誦綬此句曰
今不負斯誠矣 見唐書

馮戡

東川人

桃花浪裏成龍去竹葉山頭退鷁飛

贈柳崇及第
見紀事

韓泰

字安平昌黎人戶部郎中以附王叔文貶虔州司馬後終郴州刺史

廬嶺東邊吏隱州溪山竹樹亦清幽

見方輿勝覽

盧并

文宗朝
資州守

地靈無俗草岩靜有僊禽

等慈寺北巖
見方輿勝覽

繆島雲

島雲少從浮圖武
宗朝准勅反初服

白鳥遠行樹玉虹孤飲潭

廬山
瀑布

四五片霞生絕壁兩

三行雁過疎松

以上見
紀事

拋芥子降顛狒狒折楊枝灑

醉猩猩

見撫
言

劉敬之

雲安
人

山近衡陽雖少雁水連巴蜀豈無魚

敬之甥雍陶蜀川上第後薄于親友

不寄書敬之讓馬陶得詩愧報

李濤

長沙人溫飛卿任太學博士主秋試濤與衛丹張邵等詩賦皆榜于都

水聲長在耳山色不離門
掃地樹留影拂牀琴有聲

落日長安道秋槐滿地花

以下並見紀事

高元裕

字景圭渤海人開成中翰林學士終吏部尚書

中丞為國拔賢才寒俊欣逢藻鑑開

贈知貢舉陳商見池陽志

韋澳

字子斐大中初以考功郎知制誥充翰林學士承旨終戶部侍郎

莫將韋監同殷監錯認容身是保身

懿宗朝澳為吏部侍郎不受請託為

執政所惡出為邠寧節度時宰復發其部事罷鎮以秘書監分司東都嘗戲吟此句京師權倖聞而尤怒之

見唐書

王龜

字大年官會稽太守

珠箔卷繁星金樽瀉月明

李郁

泉州人

身死為修劉稹表名高因讓陸洿書

弔歐陽柁柁詹從子開成中擢第司

勳郎中陸洿棄官隱吳中後赴召復出柁移書讓之因不出柁名益聞竟赴澤潞劉稹幕辟稹表指斥時政朝

廷疑拒所草
流崖州賜死

詹雄

字伯鎮福州
人不第終

塵飛遺恨盡花落古宮平

洛陽
古城

紅粉笙歌人代遠月

明陵樹水東流

銅雀
臺

任濤

豫章筠州人咸通中
十哲之一也不第終

露團沙鶴起人卧釣船流

見撫
言

劇燕

蒲坂人為詩雅正亦十哲
之一也後客王重榮被殺

祇向國門安四海不離鄉井拜三公

贈王重榮
紀事
重榮鎮河中燕投

此詩甚加禮敬竟以凌轢諸從事受正平之禍

王璘

璘詞學富瞻崔詹事廉問表薦於朝先試之使
解璘請十書吏皆給筆札璘口授十吏筆不停

綴日未亭午已七千餘言時路嵩方當鈞軸遣
一介召之璘曰請俟見帝嵩大怒亟命奏廢萬

言科璘杖

策而歸

芍藥花開菩薩面梭間葉散野人頭

璘與李羣玉相遇
嶽麓寺羣玉待之

甚淺曰請與公聯句破題而授之璘畧
不佇思繼之云云羣玉遂屈見紀事

李蔚

咸通中宰相
後出為節鎮

虛心織質雁銜餘鳳吹龍吟定不如

蔚鎮淮海陽陶為
薛陽陶善吹蘆管

浙右小校監押度支運米至蔚召令出蘆管
于賞心亭奏之蔚大嘉賞贈詩此其終篇也

王枳

常州刺史

今朝拜貢盈襟淚不進新芽是進心

常州舊貢陽羨茶
僖宗幸蜀枳間關

馳貢故有此句

見常州志

鄭寶

字貢華乾
符進士

萬蘊千牌次碧牙縹牋金字間明霞

寶善楷書大復中
挈家自華至陳未

常廢詞翰其題經藏
有此句見宣和書譜

張瑩

速江人大順初登
第官至禮部尚書

一箭不中鵠五湖歸釣魚

見地志

吳靄

字廷俊連州人光化三年進士為朱忠幕僚

三

煙隨紅焰斷化作白雲飛

七歲時詠野燒識者知其為青雲器

陳詠

眉州青神人善奕基昭宗時登第

隔岸水牛浮鼻渡傍溪沙鳥點頭行

見紀事

蔣密

零陵儒士

綺羅因片葉桃李謾同時

詠桑見詩註總話

符蒙

字適之後唐同光三年進士官侍郎

都緣心似水故以鉢為舟

題壁畫杯渡道人

李景遂

字退身玄宗母弟初封燕王改封晉王

路指丹陽分虎節心存雙闕戀龍顏

赴潤州鎮賜餞見江表志

李弘茂

字子松玄宗第二子早卒追贈慶王

甜於泉水茶須信狂似楊花蝶未知雪

半窗月在猶

煎藥幾夜燈閒不照書

病中並見江表志

李平

關右人本姓名曰楊訥歸南唐官尚書郎衛尉卿

至人無夢夢不到天道惡盈盈有餘

閒書

龍鬣已斷嬪

牆老豹尾不來岐路長

讀武帝內傳

胡元龜

廬陵人官臨川令

翻身騰白浪探爪擢明珠

永新令請題屏畫戲珠龍令好受饋遺元龜寫意識之令

悟追捕遂
亡入金陵

蔣鈞

字不器營道人

因借夢書過竹寺學耕秋粟繞茆原

寄柳宣

芭蕉葉上

無愁雨自是多情聽斷腸

戎昱詩有一夜不眠孤客耳主人門外有芭蕉代為之荅

史虛白

字畏名山東人與韓熙載同投南唐署郡從事不受隱廬山

風雨揭却屋全家醉不知
詠漁父 見江南野錄

夏寶松
廬陵人

孤猿叫落中巖月野客吟殘半夜燈
雁飛南浦砧初

斷一作鐘 初動月滿西樓酒半醒
曉來羸駟依前去目斷

遙山數點青
宿江城 並見錦繡萬花谷

趙慶
水曹郎

邁古文章金鸞鴛鴦出羣行止玉麒麟
贈邵拙 見馬令書

潘天錫
南唐時 為省郎

風便磬聲遠日斜樓影長

游古觀見
郡閣雅談

朱勰

南唐時嘗
為縣令

好是晚來香雨裏擔簷親送綺羅人

見詩史

齊

一作鎬
唐

蓮中花更好雲裏月常新

南唐宮嬪官娘善舞後主作
金蓮令官娘纏足作新月狀

舞蓮中鎬詩因官娘
作也見道山清話

黃可

字不可南
唐時人

天下傳將舞馬賦門前迎得跨驢賓

獻高
侍郎

高元矩

宣城人

硯貯寒泉碧庭堆敗葉紅

贈宣城宰

燕掠琴弦穿靜院吏

收詩草下閒庭

贈徐學士
見雅言系述

陳貺

南唐處士

年年聞爾者未有不傷情

蟬

出得風塵者合知岐路

人拂榻燈未來開門月先入
忽生雲是匣高以月

為臺入夜雖無傷物意向明
還有動人心

畫虎並
見吟窗雜

錄

趙休

幸夤遜
同時人

金莖來白露玉宇起清風

侍宴
吟窗雜錄

見

庸仁傑

泉州人初為僧陳德誠勸
之反初服官終汾陽令

紅旆渡江霞蘸水青蛇出匣雪侵衣

贈池陽守
陳德誠

雲散

便凝千里望日斜長占半城陰

昇元閣

只住此山寧有

意向來求佛本無心

贈嘉禾
峯僧

邵拙

字拙之
宣城人

萬國不得雨孤雲猶在山

見江南
野錄

毛炳

南唐時
豐城人

先生不在此千載只空山

題齋壁
江南野錄
見

陳德誠

建州人百勝
軍節度使

建水舊傳劉夜坐螺川新有夏江城

劉洞有夜坐詩夏
寶松有宿江城詩

皆見稱一時號劉
夜坐夏江城云

陳甫

字惟岳
吉州人

一雨洗殘暑萬家生早涼

漳江
感懷

暮鳥歸巢急寒牛下

隴遲

村居

算吟千百首方得兩三聯

清時不作登龍

客綠鬢閒梳傍草堂

贈黃岩 並
雅言系述

徐融

南唐人

淮船分蟻隊江市聚蠅聲

夜宿金山
見古今詩話

高若拙

荆南高從
誨幕客

人間不見月天外自分明

中秋不見月
見大定錄

皮光業

字文通日休之子吳
越署為推官後拜相

燒平樵路出潮落海山高

見葆
光錄

行人折柳輕和絮飛

燕銜泥帶落花

見西清
詩話

屠瓌智

海鹽人越州指揮
贈節使上柱國

輕身都是義殉主始為忠

咏志

元德昭

字名遠杭州
人吳越相

滿堂羅綺兼朱紫四代兒孫奉老翁

德昭理家以孝愛
聞每時序置酒環

列几席者凡四從故
其詩云 見備史

林無隱

閩人寓明州吳越
相鼎即其子也

雪消二月江湖濶花發千山道路香

見備史

楊義方

眉山人王建
時舉進士

海邊紅日半離水
天外暖風輕到花
春兩聲鞭自禁

門出一簇人從天上來

贈王樞密處回
見異聞錄

王廷珪

孟蜀兵部尚書

十字水中分島嶼
數重花外見樓臺

浣花溪江皆剞亭
榭孟昶游之曰曲

江金殿鎖千門未及此廷珪
賦句昶稱善見蜀棹杙

歐陽彬

字齊美衡山人孟昶時為
嘉州刺史後至夔州節度

無錢將乞樊知客
名紙生毛不為通

彬初投謁馬殷知
客樊姓者索賄不

得不與通後為九州歌干之又
不問因入蜀見南部新書

桑柘殘陽裏兒孫落葉中

彬有子穉齒作田父詩云云
廖凝見之知其不壽尋果卒

閣雅談

見郡

李堯夫

蜀梓潼山人

向外疑無地其中別有天

大內盆池

方外共推為道友關

中獨自占詩家

贈滕郎中

炎暑鬱蒸無處避涼風消息幾

時來

見古今詩話

石文德

連州人仕長沙歷水部員外郎融州刺史

月沈湘浦冷花謝漢宮秋

挽馬希範夫人見五代史補

戴偃

金陵人避地湘中值希範大興土木自稱玄黃子獻漁父詩百篇以諷希範怒遷之湖上

須把咽喉吞世界蓋因奢侈致危亡
若須拋却便拋

却莫待風高更亦深

並漁父篇見五代史補

張迥

湖南詩人

夜長燈影滅天遠鶴聲孤

見吟窗雜錄

鍾元章

南漢員外郎

金箬離弦三尺電星鶻破的一聲雷

射窗雜錄吟

楊鳧

字烏之閩人

背日流泉生凍早逆風歸鳥入巢遲

山中即事
見雅言系述

王俊

考功郎中

勝日登樓望山川一半春

桂林道
送樓

薛沆

廬州刺史

也知別有風光主花蕾枝枝似去年

題藏舟浦花
見南部新書

張顓

官左司郎中

金殿聖人看縱筆玉堂詞客盡裁詩

贈
光

張林

擢進士第
官至御史

菱葉乍翻人採後
芰荷初沒舸行時

見紀事

盧休

春寒酒力遲
冉冉生微紅

寒月

自然草木性
誰祝元化

功 湓浦風生破膽愁
血染劍花明
帳幕三千車馬

出漁陽 入門堪笑復堪憐
三逕苔荒一釣船

並見張為主客

圖

陳嶠

字景山 閩人 暮年登第 還鄉不仕

小橋風月年年事
爭奈潘郎去

何 見南部新書

第二句缺一字

李範 關中人

清猿啼遠木白鳥下前灘 秋日江干遠望 鶴歸秋漢遠人去

草堂空 經王山人舊居 雖當南北路不礙往來人 道傍樹 釣

叟無機沙鳥睡禪師入定白牛閒 江寺間書 天涯故友無

來信窗外拒霜空落花 暮秋懷故人並見雅言雜載

卞震 蜀人

雨壁長秋菌風枝落病蟬 即事 老筇搯瘦影寒木凭吟

身 詩債到春無處避離愁因醉暫時無 春日偶題 茶香

解睡磨鐺煮山色牽懷著屐登

即事

林楚材

賀州富川人

身閒不恨辭官早詩好常甘得句遲

贈致仕黃損見雅言系述

孟不疑

有詩名溺于游覽不復應舉

白日故鄉遠青山佳句中

見酉陽雜俎

龐季子

冥雲生易滿秋草長難高

郭思

落星一石幾千年門外何人扣漢川

白石鎮古城

盧載

五千里地望皆見七十二峰中最高

祝融峰

鄭翺

花燒落第眼雨破到家程

下第東歸見海錄碎事

鄭說

架上紫衣閒不著案頭金字坐長看

贈溫州大雲寺僧鴻楚見高僧傳

史瑜

溪從沮水流
嶓冢嶺接青泥入劍天

青泥山

賀公

石晉兵部

但存方寸地留與子孫耕

米都知

伶人也善騷雅梁補闕嘗贈以詩

小旗村店酒微雨野塘花

見南部新書

陳秀才

地偏雲自起日暮山更深

崔李二生

恰似傳花人飲散空拋牀下最繁枝

崔

豔魄香魂如有在還應羞見墮樓人

李二生並與武
稼游步非煙死同

賦其事

范氏子

紀事云吳人攄子七歲能詩方干見其贈隱者句曰此子他日必成名又吟夏日句干云

必不享壽果十歲卒
攄即撰雲溪友議者

掃葉隨風便澆花趁日陰

贈隱者

閒雲生不雨病葉落

非秋日

臨川小吏

李建勳鎮臨川賞牡丹有小吏捧硯舉止有士人風公曰學詩乎對曰麤親筆硯因

令口占一篇公竒之
勉令就學因成詩名

三月不辭千日醉
一生能得幾回看

見詩話
總龜

韓熙載客

最是五更留不住
向人枕畔著衣裳

熙載婢妾甚多不
為防閑往往私出

侍客客賦詩云云

見南唐近事

段義宗

外夷

懸心秋夜月
萬里照鄉關

思鄉

玉排複道珊瑚殿
金錯

危桐翡翠樓

題三學
院經樓

此花不與衆花同
為感高僧護

法功

大慈寺芍藥
並吟窗雜錄

御定全唐詩卷七百九十五

謹案卷七百九十四第十頁後五行重聯句一首
按此下應有清畫崔遠一行

第十頁後六行晴風逼座間按此下疑脫注畫字
第十四頁後六行禪房會一窺按此下脫注人名
卷七百九十五第十七頁前二行三月不辭千日
醉刊本不能今改



總校官庶吉士 臣張能照

校對官庶吉士 臣許兆椿

謄錄舉人 臣羅步雲

欽定四庫全書薈要

集部

御定全唐詩卷七百

九十六至
九十九

詳校官原任主事_臣李斯咏

欽定四庫全書蒼要卷一萬八千二百一集部

御定全唐詩卷七百九十六句

無名氏

(雜) 都來消帝力全不用兵防

以下齊已風騷旨格

道遠擎空鉢深

山踏落花

船中江上景晚泊早行時

山寺鐘樓月

江城鼓角風

雨過花爭出雲空月半生

鳥正啼隋

柳人須入楚山

高松飄雨雪一室掩香燈

遂有冥

心者還尋此境來

又因風雨夜重到古松門

道晦

金雞伏時來木馬鳴 誰來看山寺自去掃松門 此

生還自喜餘事不相侵 白鬢無心鑷青山得意多

一春能幾日無雨亦多風 苦雨秋濤漲狂風野燒翻

須知三尺劍只為不平磨 要路爭先進閒門肯暫

過 已難消永夜況復聽秋霖 大雪路亦宿深山水

也吞 僧贈 卷簾黃葉落鏤印子規啼 亡國空流水孤

祠掩落花 山魅隔窗舞鵬鳥入簾飛 萬里八九月

一身西北風 磴危攀薜荔石滑踈莓苔 日落無行

客天寒有去鴻 正思浮世事又到古城邊 尋常風

雨夜應有鬼神看 寄宿山中寺相辭海上僧 風吹

榆莢葉雨打木瓜花 炙轂子詩格 句內疊韻 是星皆拱北無水

不朝東 以下梅堯臣續金針詩格 西風起邊雁一一向瀟湘 那

堪懷遠路猶自上高樓 白雲風散盡紅葉水流來 以下

徐寅雅道機要 妾如有異意君棄也甘心 野迥雲根闊山

高樹影長 古迹應重別生緣不暫停 一個字未穩

數宵心不閒 別地葉頻落去程山已寒 但取詩名

得何論下第頻 早起赴前程鄰雞尚未鳴

以下文或詩格

白地一回雨兒孫拾得金 軒車在何處雨雪滿前山

燈微山館雨角咽海城秋 去帆看已遠臨水立多

時

以下桂林詩評

家貧為客早路遠得書稀 瀑布五千仞

草堂瀑布邊 我憶雲門寺門前千萬峰 一瓶居無

外萬木老禪中 秋江洗一鉢寒日曬三衣 空山行

客少獨樹晚蟬多 一片月生海幾家人上樓

待月以下王

正字詩中旨格

窗寒風漸緊燈落夜將深

秋日言懷

雲夢幾行

去瀟湘一夜空

雁送

無風來竹院有月在莎庭

蟋蟀

故

園從小別夜雨近秋聞

書劍別南州炎荒萬里游

山盤樵徑上人到雪房遲

路經秋雨後人入亂峰來

獨樹知秋早孤舟覺夜寒

馬飢食落葉鶴宿曬殘

陽路遠春行盡家貧愁到時

以下吟
窗雜錄

臨水通宵坐

知君此興同

江聲兼小雨暝色入啼猿

以下並見
樹萱錄

藕隱玲瓏玉花藏縹緲容

紅樹醉秋色碧溪彈夜弦

網斷蛛猶織梁空燕不歸

倒身無著處呵手不成

溫苦寒見
事文類聚

幾多詩弟子無限酒知聞悼方干見海錄碎事

牀上小薰籠韶州新退紅樂府見陸務觀集注

看時人步

澁展處蝶爭來

題于兢畫牡丹字德源長安人梁宰相也見見聞志

酒味雜

蓮氣香冷勝於水輪困如象鼻瀟灑絕青蠅碧筩杯見楊慎藝

林伐山太宗皇帝真長策賺得英雄盡白頭國史補曰進士科得

之艱難其有老死于文場者亦無所恨故詩云畫墁錄以為趙嘏作曾題名處添前字

送出城人乞舊衣神龍已來杏園宴後皆於慈恩塔下題名及第後知聞或遇未及第時題

名處則為添前字故詩云見撫言華陽觀裏鐘聲集建福門前鼓動

期新進士放榜後翌日排光範門候過宰相雖云排建福門實集於西方館故詩云云見南都新書

隴右諸侯供語鳥日南太守送名花

李德裕營平泉遠方之人多以異物

奉之時有題詩云

八百孤寒齊下淚一時回首望崖

云見劇談錄

州德裕為相頗為寒進開路及謫官南去人詠此見撫言

讓劫已令多士伏沾

名還得世人聞

陳詠有詩名善奕棋昭宗幸陝之歲策名歸蜀韋莊以詩賀之鄉中有嫉善者

屬和韋詩云云比之滌器當壚也見紀事

人為子推初禁火花愁青女

再飛霜

寒食見事文類聚

棟花開後風光好梅子黃時雨意

濃

江南自初春至初夏有二十四番花信風最

後為棟花風故唐人有此句見東臯雜錄

備浴傳荆俗水馬浮江弔屈魂

唐人午日詩南方競渡治其舟使輕利名飛鳧

名水車又名水馬

見荆楚歲時記

城頭推鼓傳花枝席上搏拳握松

子見東臯雜錄

鳥向不香花裏宿人從無影月中歸

雪

輕著凍痕銷水面密隨和氣入花根

春雪

萬木盡如花

落候四簷鳴

缺

雨來時

晴雪 王安石嘗舉此三聯云唐人詩

濃綠萬

枝紅一點動人春色不須多

王安石在翰苑見榴花止開一朵有詩陳正敏謂此

乃唐人詩非安石所作 見泊宅編

晚菘細切肥牛肚新笋初嘗嫩馬

蹄見錦繡萬花谷

蟬離楚樹鳴猶少葉到嵩山落更多

以下見風

騷音格

風和日暖方開眼
雨潤煙濃不舉頭
窗前閒

咏鴛鴦句壁上時觀
獬廌圖
可能有事關心後得似

無人識面時
一點孤燈人夢覺
萬重寒葉雨聲多
以下

見炙轂子詩格
此心只待相逢說
時復登樓看遠山
九江

有浪船難濟
三峽無援客有愁
四海魚龍精魄冷
五

山鸞鳳骨毛寒
誰家綠酒歡留客
何處紅樓睡失明

雨露施恩無厚薄
蓬蒿隨分有枯榮
以下見梅堯臣續金針詩格

去年花下留連飲
暖日天桃鶯亂啼
今日江邊容易

別淡煙衰草馬頻嘶 蛇蝎性靈生便毒蕙蘭根異死

猶香 三間茅屋無人到十里松門獨自游 翻憶舊

山青碧裏遶菴閑伴野僧禪 雲 不甘五等諸侯薦直

肯九重天子知 劉素者字仲華好學不事科舉頗通遷固壽煜之書嘗有人貽詩云云然卒不

及仕 見 江南野志

御定全唐詩卷七百九十六